



Шочмо эл, порылык да чын верч!

Б У Д Ъ Г О Т О В /

2-шо (3702) №,
2025 ий 17 январь,
кугарня



0+

Имде лий

1933 ий 1 февраль годсек лектеш.



Кугу Мушкышто – йомак тўня



Ах, могай сълне пагыт – теле. Ты-годым йоча-влаклан уремыште юарлен куржталаш, ече дене кошташ, курык гыч мунчалташ моткоч келша. А кече левыктымеке, лум мѳчѳрым ненчаш лиеш. Ты сомылым изи-влак веле огыл, кугыен-шамычат моткоч йѳратат. Адакшым 18 январь – лум мѳчѳрын тўнямбал кечыже. Лум гыч мом гына ненчаш огеш лий?! Йўштѳ Кугыза ден Лумўдырым, пийым, пырсым, кишкым... Теве Шернур район Кугу Мушко ял гыч Тымбаршевмыт еш пѳрт ончылныжо лум гыч тўрлѳ скульптурым ынде икмыняр ий ышта, шкешотан ончерым ямдыла, ий курыкым сѳрастара. Ты ялыште шочын-кушшо Вероника Ядыкова (Мустава) Кирилл эргыже, Ксения ўдыржѳ (снимкыште) да пелашыж дене пырля тушто канаш йѳрата.

– Тымбаршевмытын тыгай па-шам ыштымыштым мый моткоч кўкшынын аклем. Тыге нуно олаште ылыше верысе калыкым шочмо кундеммыш толаш таратат. Мемнан ялын сѳраллыкшым ончалаш тўрлѳ кундем гыч уна-влак вашкат. Каныш кечылаште Тореш уремыштына калык эре шуко. Икте мунчалта, весе лум скульптурым шымла, кумшо, пошкудым вашлийын, мутым вашталта. А кастене моторын сѳрастарыме кожысо тул уло ялым волгалтара. Ончен куанет! Чылт йомак тўня! – ойла Вероника.

Йоча-влак, теат йомак кугыжанышым ончалаш вашкыза!

О.МОШКИНА-МАЙКОВА.

Фото-влакым еш архив гыч налме.



Уста да чолга – сенгыше

Российысе печать кечын, 13 январьшыте, Марий Эл Республикым Вуйлатыше Ю.В.Зайцев журналист-влакым саламлен (снимкыште). Марий Эл Правительствын премьержылан увертарыме конкурсышто сенгыше-шамычым палемден, награде-влакым кучыктен.

Тений «Шёртнё пера» премиийым «МЭТР» телерадиокомпанийын вуйлатышыже Ирина Фоми-

ных сулен. «Йоча да самырык-влакын проблемшытым ончыктымо эн сай паша» номинацийыште «Кугарня» газетын редакторжо Елена Годунова ойыртемалтын.

«Ямде лий» газетын коллективше Россий журналист-влак ушемнын Марий Эл Республикысе пөлкакын дипломжо дене палемдалтын.

**Л.ГРИГОРЬЕВА.
Д.РЕЧКИНЫН фотожо.**

Российысе увер

Чолга да чулым улат?
Тугеже «Артек» тўнямбал йоча рўдер тўйым вуча! Пытаргыш кум ийыште сенген налме Чап кагаз-влакым артек.дети сайтыш веранде да келшыше сменым ойыро. Эн тале йоча-шамычлан «Артекыш» миен толаш йўн пуалтеш.

«Байконур! Отсюда в космос пролегли дороги!» сўрет конкурсы 30 апрель марте эртаралтеш. Тушко 5-18 ияш ўдыр-рвезе-шамыч ушнен кергыт. Паша-влакым siriusbaikonur.ru сайтышке колтыман.


Шанче да инженер пашалан писе улат гын, «Реактор» всероссийский конкурсыш ушно! Ныл номинаций гыч келшышым ойыро, проект пашам возо да 27 март марте колто. Тўрыс увер – konkurs.reactor.su сайтыште.

Марий Элысе увер

Йошкар-Олан историй тоштерже «Навеки в памяти народной» сочинений-эссе конкурсым эртара. Тудо Кугу Ачамланде сарыште Сенгымашлан 80 ий теммылан пўлеклалтын. Пашам 7 апрель марте колтен шуктыман. Кумданракын – i-ola-museum.ru сайтыште.

Медведево спорт школын тунемшыже-влак Пенза олаште эртаралтше регби турнирыште кугу кўкшытыш шуыныт. Ныл вашлиймаште сенгышыш лектын, «Медведи-2014» команде латкок команде кокла гыч икымше верым налын. Шокшын саламлена!

Йошкар-Оласе калык арвер да сымыктыш тоштерыште «В гостях у сказки» ончер почылтын. Марий кундемысе мастар ег-влак йомакысе герой-шамычым тўрлў материал гыч ыштеныт. Тоштер уна-влакым 15 февраль марте вуча.



Санкт-Петербургом волгалтареныт

4-7 январьшыте Санкт-Петербургышто «Призвание – АРТИСТ» тўнямбал усталык конкурсы эртаралтын. Тушто шўдў наре усталык коллектив мастарлыкшым ончыктен. Марий Элын чапшым Калык усталык да тўвыра каныш шотышто республикысе шанче-методике рўдер пеленысе «Солнышко» ден «Импровизация» эстраде куштымаш ансамбль-влак да Звенигово оласе «Мечта» тўвыра да каныме рўдер пеленысе «Аннабель» модо-театрын коллективше араленыт. Ёдыр-рвезе-влак чолгалыкышт, усталыкышт дене ойыртемалтыныт. Куштымаште I степенян ныл да II степенян ик дипломым сенген налыныт. «Аннабель» модо-театрын коллективше (снимкыште) I степенян

кок да II степенян ик диплом дене палемдалтын. Тыгак ончышо-влакын призыштым сулен налын.

– Конкурсы гыч нўлталтыше кумыл да поро шарнымаш дене пўртылынна, – ойла «Аннабель» модо-театрыш коштышо Ульяна Жакота. – Ме кум номерым ямдыленна: «Тўня, йўратымаш, сымыктыш», «Российын жатше», «Чарак уке». Мый кажныштыже выступатленам. Усталыкым тергаш йўным ыштымыштылан конкурсын организаторжо-влаклан да вуйлатышына А.А.Акошкиналан кугу таум ойлена.

**Е.СЕРГЕЕВА ямдылен.
Фотом модо-театрын архивше гыч налме.**

Газетлан возалтат – пöлекан лият



Газет ден журнал-влаклан 2025 ийын икымше пелийжылан возалтме тургым мучашлалтын. «Ямде лий» йоча газетлан почто, почталъон, редакций гоч подпискым ыштыше-шамычлан таум ойлена. Почто гоч подпискым ыштыше-влак редакцийышке квитанцийыштым колтеныт да лотерей модышышко ушненыт. Ме, редакций пашаен-шамыч, сенгыше-влакым ойыренна.

Пöлекым 2025 ий 1 апрель марте налын шуктыман. Редакцийын адресше: Йошкар-Ола, Печать пöрт (СССР Вооружённый Вийын 70-ше идалыкше урем, 20-шо пöрт), 6-шо пачаш.

Кухнышто кучылташ йöршö арвер-влак – Ирина Кондратьева (Марий Турек, Лоп). **Канцеляр набор** – Елена Иванова (Волжский, Ярамарий). **Пушкыдо пырыс** – Людмила Кошпаева (Шер-

нур, Купсола). **Пöрткöргым сöрастараш келшыше арвер-влак** – Фёдор Иванов (Марий Турек, Памашъял). **«Выжигание по дереву» набор** – Валерий Степанов (Морко, Шап Унчо). **Чайгорка** – С.А.Петухов (Кужэнер, Купсола). **«Болтушка-повторюшка» модыш** – Сергей Кошпаев (Кужэнер, Торавлак). **Кормушко** – Татьяна Лапина (Параньга, Кугу Пумарий). **Магнитан планер** – Илья Платунов (Марий Турек, Памашъял). **Бисер дене тóрлаш набор** – Зоя Загайнова (Советский, Шудысола). **«Пырыс» светильник** – Алексей Крылов (Морко, Йошкарэнгер).

Лотерейын учредительже – «Ший памаш» сылнымут фондм вуйлатыше, серызе В.В.Краснов. Тудлан кугу таум ойлена.

Марий йылмым пагалем

Мый «Марий сылнымут сад-вечыште» кружокын старостыжо улам. Тушко 15 тунемше коштына. Кружок вуйлатыше Е.В.Григорьева почеламутым, синквейным, заметкым возаш тунукта. Школышто чыла мероприятийым марла гына эртарена. Пайремлан сценарийым Елена Валериановна воза. Марий йылме урокышто ик руш шомакымат кучылташ ок лий. Мый шкеже руш удыр улам, но марий йылмым моткоч йöратем. Яндарын, чаткан марла мутланаш тунемнем.

Надежда СЕРГЕЕВА.
Морко, Шүргыял.

Онай спектакль

Визымше классыште тунемме годым марий литератур урокышто «Ший пüян Ший Пампалче» йомакым лудынна. Тений тыгак лüман спектакльым М.Шкетан лüмеш Марий национальный драме театрыште ончаш пиял шыргыжале. Спектаклыште ятыр сылне муро йонга. Артист-шамыч сылне костюман улыт. Ме Пампалчын илышыж верч тургыжланышна. Сайын пытымылан чотак куанышна. Йоча-влак, теат «Ший пüян Ший Пампалчым» ончаш вашкыза.

Светлана СОКОЛОВА.
Морко, Коркатово.

Ушан ой

Йылман гын калык, ок лий тулык.
С.НИКОЛАЕВ.

Рошто пайрем ёлкым Волжский районысо Кугу Корамас школышто да Сотнур селасе черке пелен (снимкыште) ий еда эртарена. Тушко йоча, ача-ава-влак погыненыт. Удыр-рвезе-шамыч тóрлö костюмым келыштареныт. Пайремыште почеламутым сылнын лудыныт, мурым муреныт, сценкым модын ончыктеныт. Иерей Игорь ача пайрем дене саламлен, шере пöлекым кучыктен.

Йоча-шамычлан сылне пайремым эртараш Н.Н.Яковлева, С.М.Владимирова, З.М.Петрова, А.Н.Ильин полшеныт.

И.САПАЕВ.
Авторын фотожо.

Волгыдо пайрем



Чавайн



тукым улына

Кугешнена

Арбор школышто тунемше Дарина Ивановалан (снимкыште) Йошкар-Олаште эртаралтше марий ёлкышто лияш пиал шыр-гыжалын. Тушко эн уста йоча-влак пўтын республик гыч погыненыт. Дарина 4-ше классыште тунемеш. Тўрлў мероприятийыште вийжым терга. Ёче дене тагасымаште тудын куд дипломжо уло, а туризм дене – визыт, медальже – 15! «Развивайся с нами» российысе тагасымаште кокымшо верым налын. Ме Дарина дене кугешнена, умбакыжат сенгымашым тыланена.

Полина БУРКОВА.

Марий Турек, Арбор.

Фотом школ архив гыч налме.



Теле тўс

Ончал, йолташ, тошкемыш,
Могае сылне тўс!
Ош лум йога кава гыч,
Могай мотор пўртўс!

Чечен куэ пакчаште
Вўргенчыкым пыштен.
Шога садер лонгаште
Йолташыжым вучен.

Могай онгай сўретым
Шекланышым эрден.
Ончаш тыгай йомакым
Тый помыжалт вашке.

Аделина ЕГОРОВА.

Мастар туныктышын
тунемшыже уста

Морко район Шордўр школышто марий йылмым да литературым усталык шўлышан туныктышо туныкта. Ирина Александровна Михайлова изинек поэзийлан шўман. Кызытат почеламутым воза. Тунемшыже-влакымат кумылангда. Нунын кокла гыч ик эн чолгаже, ик эн мастарже – 9-ше классыште шинчымашым погышо Аделина Егорова (снимкыште).

– Шымше классыште тунем-мем годым икымше почеламутем шочын. Вара – весе, кумшо... Нуно пийлан, курчакем-шамычлан пўлеклалтше лийыныт. Сераш тўналаш туныктышем шўкал-тышым ыштен, йоньлышем тўрлен, умылтарен. Рома иза-мат школышто тунеммыж годым почеламутым возен. Поэзийын юзо шўлышыжў туддечат куснен, очыни, – оила ўдыр.

Аделина шочмо Изи Кушна ялысе пўртўс лонгаште жапым эртараш йўрата. Йырым-йырысе сылне

сўретым ончен, кумылжо нўлтал-теш. А кайык муро вигак почеламутым возаш тарата. Кумдан палыме, уста поэт-влакын сылны-мутыштым лудын, мастарлыкшым тапта. Ўдыр Геннадий Оярым, Миклай Казаковым, Сергей Чавайным поснак палемден кодыш.

Аделинан почеламутлаже кагаз лаштыкыште пуракан огыт кий. Тўрлў конкурсышто аклалтыт. Т.Иштриковам шарныме лўмеш республикысе поэзий конкурсышто кокымшо верым сенген налын. Аделина воза веле огыл, эше почеламутым сылнын лудаш йўрата, конкурслашке чўчкыдын ушна.

– Поэзий шоньмашем кагазыш луктын пышташ, кумылем ончыкташ, чонем луштараш полиа. А тале поэт-влакын почеламутыштым лончылен, шымлен, нунын семын возаш тунемам, – оила Аделина.

Х.АЛЕКСАНДРОВА.

Фотом еш архив гыч налме.

Марий йоча марла мутланышаш

Пытаргыш ийлаште школыш марий еш гыч рушла кутырышо йоча толеш. Самырык ача-ава-влак моткоч кугу йоньлышым ыштат. Молан? Руш йылмым тунеммаште нелылык лектеш. Тыгай йоча мужыран пич да йонгыдо согласныйым ойырен ок мошто. «Шочмо йылмым палымек веле вес йылмым тунемаш куштылго» ойын моткоч чын улмыжым кызыт раш умыленам. Марий йылме урокшым ойлы-

манат огыл. Марий шомакшымак каласен огыт керт. Ны рушлаже, ны марлаже нимо шот уке.

Иктаж латвич ий ончыч марла кутырышо йоча-влак дене чонем вўчкен, кумыл нўлтын марий йылме урокым эртаренам. Икымше классыш суксо гае толын шинчыт да тугай ўшан дене шинчашкет ончат ыле. Тиде ўшаным сулаш уло вийым да моштымашым пуаш ямде лийынам.

Каласаш кўлеш, йоча-влак уш дене почеш кодшо огытыл. Математике урокышто задачым, примерым сайын, писын шотлат. Йылмым луген пытарыме дене ача-ава-влак шке йочаштым шкеак локтылыт. Марий ялыште марий ешеш шочын-кушшо марий йочам туныктымо опыт тыгай шонкалы-машым, иктешлымашым шочыкта.

Г.В.ВАСИНА.

Советский, Шуарсола.

Есенин гай уста Есения

У Торъял район Немда школышто кандашымше классыште чолга ўдыр Есения Егошина (снимкыште) тунемеш. Тиде лўм вигак руш поэт Сергей Есениным шарныкта. Есения шочмо йылмыжым йўрата. Шке гыч йомакым, ойлымашым воза. Почеламутым сылнын лудеш.

– Мыланем поэзий утларак лишыл. Мыйын шонымаште, автор почеламут гоч чошижмашым вяйрак почын пуа. Южо почеламутым муру семын мурымо шуэш. «Ончыко» журналыште кызытсе жапысе автор-влакын пашаштым лудаш келша. Землякна Игорь Поповын сылнымут саскажым поснак эскерем. Сборникшым тўналмыш гыч мучаш марте лудынам, – ойла ўдыр.

Уста серызе-влакын книгаштым шергалын, Есения шкежат сылнынрак возаш тунемеш. 4-ше классыште юнкор кружокыш кошташ тўналмыже кугу шўкалтышым ыштен. Руш йылмым да литературым туныктышо Эльвира Аркадьевна Домрачева сылнымутын тўрлў жанрже дене палдарен да чын сераш таратен.

Есения мастарлыкшым тўрлў конкурсышто терга. Россий писатель ушемьн Марий Элы-



се пўлкажын самырык-влаклан эртарыме регион-шамыч колласе конкурсышто икмынгар гана сенгышыш лектын. Пашаже-влак «Эрвий» альманахеш савыкталтыныт. А почеламутым сылнын лудмо конкурлаште сенымашыжым шотлен от пытаре...

Немда кундемеш талантан шуко артист, мурызо, серызе, режиссёр шочын-кушкыныт. Есения ончыкыжым нунын радамыште лиеш манын ўшанена.

Х.ТОКПУЛАНОВА.

Фотом еш архив гыч налме.

Лудаш темлена

● Тале серызе да журналист Валерий Александрович Якимовлан тений 70 ий темеш. «Шагат» пьесыже Кугу Ачамланде сарыште Сенымашлан пўлеклалтын. Тудым теат лудса да шонымашдам редакцийышке возен колтыза.

● А.П.Чехов – кумдан палыме писатель да драматург. Антон Павловичын произведенийлажым изинек палена. Но тудо шкенжым нигунам йоча писательлан шотлен огыл. Возымо сылнымутлаж гыч «Бело-



лобий» ден «Каштанка» ойлымашыже-влакым йочалан келшыше семын палемден.

● Шонымашке шуаш манын, юзо вийлан гына ўшаныме шагал. Лач тыге йоча серызе М.Э.Доджын «Серебряные коньки» романжын геройжо-влак шонат. Йоча койышыштым йомдарыде, нуно паша деч огыт лўд да, кўргў вий-куатыштлан кўра чыла нелылыкым сенген, у илышым тўналыт.

Е.СЕРГЕЕВА ямдылен.

Акаем

Мыйын уло акаем,
Тудын лўмжў – Карина.
Школым тунем пытарен,
Медшўжар лияш шона.

Тунемаш олаш каен,
Пеш йокрок ынде мылам.
Каныш кечылан вучем.
Ах, кугу пайрем ешлан!

Акаем моткочак поро,
Кутыра шыман, лыжган.
Иктаж польш кўлмў годым
Тореш ок лий нигунам.

Шонымашыже шукталтше,
Лийже ончыкыжым врач.
Лийже кумылжо, куатше,
Да пагалышт чыланат.

Регина ГРИГОРЬЕВА.

2-шо номеран Морко школ.

Калык поэт М. Казаков нерген

Яра верлашке мут-влакым ешаре.

● Н.И.Казаков – серызе, почеламутчо _____, _____.

● 1941-1945 ийлесе _____ сарын участникше.

● _____ степенян Сталин премийын лауреатше.

● МАССР-ын _____ поэтше.

● Илымыж годым 36 _____ савыктен.

● «Ямде лий» газет редакцийыште _____ ийлаште пашам ыштен.

В.СМИРНОВ ямдылен.

Пайдале каныш

Жап спортсменла писын куржеш. Теле канышат эртен кайыш. Мый Йошкар-Оласе рўдў площадысе кож воктене лийынам. Тушто Йўштў Кугыза ден Лумўдыр шокшын вашлийыныт. Поро шарнымаш ий мучко чоным ырыктыже манын, мотор фотом ыштенам. Эше ече дене мунчалташ йўратем. Телымсе пўртўс кумылым нўлта. Могай тудо сылне, йомакысе гай!

У ий йўдым шарналташ гын, курант кырыме годым сай пашам шонен пыштенам. Марий калыклан пенгыде тазалыкым, тыныс илышым йодынам. Шукталтше манын ўшанем.

Юлия ЯГОДАРОВА.

Советский, Кельмаксола.



Камчатке пелотро гыч Япониясе Хоккайдо марте Курильскийкыктыжо, Итурупышто, Шернур район Купсола ялын ўдыржө Вероника Семёнова ешыж дене (снимкыште) ила.

– Вероника, шочмо кундем деч лу тўжем наре километр тораите илыш кузе «шолеш»?

– Ме отрошто кумшо ий илена. Пелашем верысе госпитальыште терапевт-инфекционистлан пашам ышта, мый – изирак медшўжарлан. Евгения ўдырна 2-шо классыште тунемеш. Школ пеленысе театр кружокушто мастарлыкшым вианда, мураш йората, «Орлята России» толкыныш ушнен. Артём эргына йочасадыш коштеш. Пластилин гыч ненчаш, сўретлаш кумылан.

Ме яра жапыште верысе пўртўсым шымлена. Спорт дене кылым кучена, утларакшым куржталаш келша. Йоча-влак ролик да самокат дене кудалышташ йоратат.

Отросо илыш материкысе деч ойыртегалтеш. Шонымо семен иктаж-кушко лектын каяш ок лий. Итурупын рўдолаштыже, Курильскыште, кевыт шагал. Садлан вургемымат, пўрт арверыма интернет гоч наледена. Йодмашым корабль але самолёт дене кондат.

– Тугеже, отрон эн кугу пояныкыше – пўртўс!

– Чынак, вершор пеш мотор. Кенежым Баранскийын вулканже деке миен коштынна. Ты курык йымалне брыктарыше ер уло (ўыл снимкыште). Вўдшө сероводородан. Эмла, маныт. Йўштылаш пурымеке, капым «чывыштылеш». Вес онай факт – Кипящая энгер тўналтыште вўд шолеш. Тушко икана лўмынак муным пыштен онченна. Ёшанада але уке – муно кўын. Тамже мўнгысө деч ойыртегалтын, шўмжат вичкыжемын.

Мотор да брыктарыше Курильск



Тихий океан ден Охотский тенызын моторлыкшым почын пуаш нимогай мутат огеш сите! Тушто тўрлө янлык ден кол илат: кит, дельфин, акуло... Серыште мидий-влакым муаш лиш. Пытартыш жапыште ты кундемыште маска шукемын, маныт.

Мыйым верысе лопшудо брыктарен. Тудыжо тыгай кугу, йўран годым зонтик олмеш кучылташ лиш!

Мыняр илем, игече деке алят тунемын ом шу: тебе кече онча, лу минут гыч виан йўр опталеш. Чўчкыдын тайфун лиеда. Телым 15 градус марте веле йўштө лиш. Южын вўдыжгылыкшө пеш кугу.

– Итурупышто мланде чытырналтеш манын, интернетыште возымо...

– Отрош толмо деч вара ик йўдым шкаф омса почылтым колынам. Йоча-влак малыныт, пелашем пашаште лийын. Пеш лўдынам ыле. Южгунам кўмыж-совла камвозеш. Мланде чытырналтме годым омсалондемыш шогалман але уремыш лекман.

– Тора кундемыште мо але кө деч посна йокрокланет?

– Ача-ава пелен лийме шуэш.



Мончам пеш йоратем, аван шолтымо шўржым тамлен ончынем, лишыл ен-влак дене, ўстел йыр шинчын, чон почын мутланынем. Кеч-могай торашке кает гынат, шўм шочмо кундемыш ўжеш.

Икшывына-влакат коча-коваштым, ака-изаштым пеш ужнешт. Шочмо суртышто нуным чылан йоратат, вучат, кеч-кунамат польш кидым шуялташ ямде улыт. Тиде тукым кылым шижынак кушкышт, шонем. Садлан идалыклан ик гана шочмо кундемыш толаш тыршена.

О.МОШКИНА-МАЙКОВА мутланен.
Фото-влакым еш архив гыч налме.

Курык гыч мунчалтат



Волжский районысо Пинжан Кукмор ялыште каныме пöрт уло. Пүртүс сöрал, юж яндар. Ялыште калык шагал, кок йоча веле: Яна ден Денис (снимкыште). Кугу курыкым ужмеке, нуно пеш йывыртеныт да шер теммеш мунчалтат, юарлат. Теле каникул годым моло ялла, олала гычат икшы-ве-влак толыныт ыле. Самырык-шамычат йоча жапыштым шарналтеныт. Мыланемат мунчалташ моткоч келша.

Давид ТИМОФЕЕВ.
2-шо номеран Волжск школ.
Фотом еш архив гыч налме.

Айста модына

«Минек пандось! – Мемнан курыкна!»

Мордва модыш

Модашлан кугу лум курык күлеш. Курык вуйышко кужу тоям шогалтыман. Тояш чевер түсан солыкым пижыктыман. Кажне йочан вургемыштыже үштö лийшаш. Йоча-влак кок командылан шелалтыт. Ик ко-

мандыже курыкышто шога да солыкым орола. Весыже, курыкыш күзен, солыкым поген налаш тырша. Йоча-шамыч, үштым кучен, икте-весыштым курык гыч камвозыктышаш улыт. Оролышо-влак солыкым арален кодат гын, сенышылан шотлалтыт.



Теле жап

Теле жап моткоч онай. Йүштö кеч, чонемлан сай. Тылзылаже шольо гай, үштыт корным лай да лай.

Теле кече пеш сöрал, Чурием чылтак мör гай. Ошо, пушкыдо тöшак Мландым сылнын леведат.

Теле пайремлан поян: Роштолан, ший У ийлан. Ош Крешеньыже шуэш – Йүштылаш пураш күлеш.

Ксения БУТЕНИНА.
Морко, Энерсола.

Историйым шергалына



Историйым шергалына

1945 ий
17 январьыште совет войска-влак Варшавым фашист-шамыч деч утареныт.

Эн йöратыме

Теле шумек, кумылем вигак нöлталтын. Каныш годым яндар южышто ятыр жапым эртараш лиш. Мый ватрушко дене курык гыч мунчалташ моткоч йöратем. Ече дене чымашат кумылем лектеш. Эше лум курчакым ышташ пеш келша. Садлан тыге каласем: «Теле – эн йöратыме пагытем».

Алина АЛЕКСАНДРОВА.
Советский, Ушнүр.



Имбирь мўгинде

Морко район Кократово лицейыште тунемше-влак теле каникулым пайдалын, онайын эртареныт. Лицей директорын советникше Н.Г.Алексееван вуйлатымыж почеш изирак ийготан йоча-шамыч ик кечын имбирь мўгиндым кўшташ тунемыныт (снимкыште). Шерым йöратыше-влак коклаште рвезе-шамычат, ўдыр-влакат лийыныт. Кўктен лукмеке, чайым пырля йўыныт. А вара «Кўвар» лўман кином онченыт.

В.СМИРНОВ.
Фотом лицейын архивше гыч налме.



0+

Марий Эл Республикысе «Марий Эл» увер агентстве» КАУ.
Директор – Е.И.КУЗНЕЦОВ.
Тўн редактор – А.Н.ГРИГОРЬЕВА.

Индекс П4696.
Тираж 1550 экз.
Заказ
Формат – А-4-8.

Учредитель-влак:
Марий Эл Республикысе Тўвыра, печатда калык-влакын пашашт шотышто министерстве, Марий Эл Республикысе «Марий Эл» увер агентстве» КАУ.

Редакций да издатель: Марий Эл Республикысе «Марий Эл» увер агентстве» КАУ, 424006, Йошкар-Ола, СССР Вооружённый Вийын 70-ше идальке урем, 20-шо пöрт. Тел. 8(8362) 45-22-82.

Газетым редакцийыште погымо да верстатлыме, «Марий Эл Республикысе Правительствын типографийже» ООО-што ямде оригинал-макет гыч савыктыме. Типографийын адресше: 424000, Йошкар-Ола, Комсомольский урем, 112.

Печатьыш пумы жап – 14-00, фактически – 13-00.

Авторын да редакцийын шонымашышт түрлö лийын кертыт. Серыш-влак мөнггеш огыт колталт. Ак – кутырен келшыме почеш.

https://vk.com/yamde_lii
<https://t.me/yamdelii>
yamde_lii@mail.ru
yamdelii@mediamari.ru (автор-влаклан)
Сайтын адресше: ямделий.рф

Газетым Кыл, информационный технологий да массовый коммуникаций сферым эскерыме шотышто федеральный службын Юл кундем федеральный округысо управленийыште регистрироватлыме. Номер – ПИ № ТУ52-01404, 2023 ий 22 сентябрьыште пумы.

Кайыклан - үстел



Телым кайык-шамычлан кочкышым муаш нелырак. Сандене мый кормушкым ышташ шонен пыштышым. Инструмент-влакым шке гыч кучылт ом мошто, ачамым полшаш йодым. Тудо тореш ыш лий. Икмынар жап гыч коктын кайык үстелым ыштенаш шуктышна. Мый кормушкыш пырчым, кинде пудыргым пыштышым да поланвондыш сагышна. Корангын веле шуктышна, изи кайык-влак чонештенат толыч. Кочкыт, муралтен колтат, пуйто поро пашаланна таум ойлат.

Алина АЛЕКСАНДРОВА.
Советский, Үшнүр.

У конкурс

Поро паша

«Поро паша кок ўмыран», – манеш калык. Весылан поро мут але иктаж сомыл дене полшымо шуко жап ок мондалт. Воктен улшо енлан, пошкудылан, сарзе енлан полшымыда нерген фотом ыштыза да конкурсышко ушныза. Теле пагытыште кайыклан, янлыклан кочкышым муаш нелырак. Нуныланат полшаш күлеш. Пашада-влакым «ВКонтакте» соцкылысе «Ямде лий» – марла йоча газет» тұшкашке сообщений дене колтыза. Эн шуко лайкым погышо энгын озаже сенгышыш лектеш. Түткө лийза. Йүкльшө группын подписчикше лийшаш.

Ешартыш лайкым кузе погаш?

Сенгышылан – чапле пөлек.

Пашадам 29 март марте вучена.

400 лайк: 2025 ийын икымше пелийжылан «Ямде лий» газетлан почто гоч подпискым ышташ да квитанцийжым але копияжым редакцийышке колташ.

дене Сбербанкыш оксам колташ але тиде номерышке 200 тенгем пышташ. Электрон почтыдан адресшым возен колташ ида мондо. Редакций гоч подпискым ыштышат тынарак лайкым налеш.


кым возаш. Тудым газет лаштыклар савыктена.

200 лайк: электрон подпискым ышташ. 89371178238 номеран телефон

100 лайк: фотода пелен поро пашада нерген замет-

Ушештарена мыняр шукурак подпискым ыштеда, тунар шукурак лайкым погаш йөн лиеш. Тугеже газетлан возалташ родо-тукумдамат ушен кертыда.


Лум мөчөрлан келшыше кож марте миен шуаш полшыза.




Шотлыза.



Ик шырпым верже дене вашталтен, чын вашмутым ыштыза.



Знакым чын шындыза.



10 ойыртемым кычалза.

